

# مکملہ عربیہ

ادبی و سیاسی رسالہ اسبوعیہ در ❀

۳۱ بجی سنہ

۱۰ شعبان ۱۳۳۰

❀ پچھنبدہ ❀

جلد: ۱۵ - جزو: ۱۵۶

## غره رجه دأثر

شهر پوسته سیله آلدیغز مکتوب :

.....

« مجموعه گزك ۳ شعبان تاریخیله نشر اولنان ۱۰۰ نجی نسخه سنك ۸۳ نجی صحیفه سندله شویله بر نوطلکز وار :

( سنه کیم سنه حالیه رجه یگر می بش کون ظرفنده ایکی دفعه غره سنی دکشدر مک غره ابنتی کوستر مشدر . )

« بنده گز بو نوطلکردن برشی آکلایه مدم . چونکه پوسته رجه سنك ۲۰ کون ظرفنده ایکی دفعه غره سنی دکشدر دیگنی یلیبورم . لطفاً ایضاح بیوریلور ایسه قارلر گزی مستفید ایتش اولور سکلز . . . . . »

رأفت

## ایضاح ایده لم

پوسته نك غره رجه ، تقویم شهر قریه حکمنجه بازار کونندن معتبر اولمق اقتضا ایدردی . چونکه شهر جهاذی الاخره یگر می طقوز کون اولدیغندن جمعه ایرتسی کونی ختام بولیوردی . بوجهتله ابتدای رجب بازار کونی ایدی . حال بوکه رجه ک دردننجی چارشنبه کونی نشر اولنان پای - تخت غره لرنده شو اعلان رسمی اوقونیوردی :

( سنه حالیه رجه نك غره سنی بازار ایرتسی کونندن معتبر اولمسنه بناه بشننجی جمعه گنجی سی ليله . رغبه مصادف اوله جفتدن ليله مذکورده بالمله جوامع

ومساجد شریفه مناراتك قنادیل ایله تنویری خصوصنه دائر استانبول قاضیلی  
طرفدن تنظیم اولتان اعلام اوزرینه - - - - -

بو تبلیغ رسمینك منارات جوامعده ایقاد قنادیل اولمسنه دائر اولان  
فقره سی موافق اصول عد ایدیه بیلسه ده ( غره رجبك بازار ایرتسندن  
معتبر اولسنه بناء ) جمله سی بی لزومدر . زیرا شهر رجب جمعه ایرتسی ،  
بازار ، بازار ایرتسی ، صالی ، چارشنبه و پنجشنبه کونلرندن هر هانگیسنه  
تصادف ایتسه ایلك جمعه کیجیسی ، یعنی پنجشنبه آقشامی ایله رغائب النبی  
عد اولغنی ضروریدر . بو جهته ( فلان کون غره رجبدر ) دیگه حاجت  
یوق ایدی . چونکه اق ایله مبارکه نك مطلقاً رجبك ایلك جمعه کیجیسی  
اولدینی ۱۳۳۰ سنه دن بری هر مسلمان عندنده معلومدر . حتی رجبك غره سی  
جمعه کونی اولسه جادی الاخره نك نهایت بولدینی پنجشنبه آقشامی ایله رغائب  
عد اولنور . نته کیم گله جك ۱۳۳۱ سنه سی رجبك غره سی جمعه کونی  
اولسنه نظراً جادی الاخره نك رسیده ختام اولدینی پنجشنبه کونی آقشامی  
ایله رغائبدر .

ایشته بو سببله اعلان رسمینك غره رجبك واقع اولدینی کوندن بحث  
ایتمی بی لزوم ایدی . ویا لکزی لزوم اولسه ایدی آتی ده زوائد صره سنه ادخال  
( یعنی زمانه موده اولدینی اوزره بونی ده شهر قریه قادروسندن اخراج )  
ایدردك . نه فائده ، که قوجه بر خطایی ده احتوا ایدیوردی . زیرا غره رجب  
بازار ایرتسی دگل ، بازار ایدی . استانبول قضاسنك ایسه حسابات زیج ورصد  
ایله مناسبتی متصور اولمدیغندن ، غره دن ، فلان دن بحث ایتمی بالطبع طوغری  
بر نتیجه منجر اوله مازدی . فصل ، که بو خطاسنی هر فصله صکره دن ادراك  
ایلسیه رجبك یکر می آلتنجی پنجشنبه کونی نشر ایدیلان غره لرده اعلان  
آتی ایله تصحیح خطایه لزوم کورلمشیدی :

{ تبليغ رسمي — سنه حاليه رجه رسيه اخيراً بازار كوندن ثابت اولسنه بناءً بكرى بدنجي جمه كجه سي ليلة معراج باهرة الابتهاجه مصادف اوله جفتدن — — — — — }

استانبول قضاسي بوياننامه سي بر مجبوريه اوزرينه اعلان ايلبوردي . چونكه اولجه رجه رسيه بازار ايرتسي كوني ثابت اولديغني هر فصله بيان ايتمش اولديغندن ليلة معراجك مصادف اولسي لازم گلان ليلة مباركيني تعيين اقتضا ايدبوردي .

ايسته اولجه دوشولمش اولان بر خطا . بو وجهه بر آي ايجنده ايكي دفعه تعيين غرمه بولمق كجي بر مناسبتسرلكي ايجاب ايتدي .

بوراده ده بياندن كيرو طوراميه جغز . دولت عثمانيه ده رصدخانه به بدل طوتيلش اولان منجم باشليق مأمورتي . تا آل سلجوق سلطنتندن بري هر سنه موافق زيج و رصد اوله رق بر تقويم نشر ايلر . و مسلين ايام و اوقات شرعيه سنده آگا استناد ايلردی . بو مأموريت ينه باقي . رئيس المنجمين افندي تقويمي ينه نشر ايدبور . فقط حساباتيله كيمسه حامل اولبور . خصوصاً استانبول قاضيلني بو حساباتي معتبر عد ايتبور . چونكه حريفك بري بش اون غروش آلمق قصديله نائب الشرع حضورينه چيقدرق رؤيت هلال ادعاي كاذبنده بولتمقله حسابات فلكيه يني زير و زبر ايدبور .

تقويم قرى اصطلاحی اصولی خصوصاً دينيه مزده مستعمل اولديني جهته بزجه شهر صيامه ابتدا . ممكن اولديني تقديرده رؤيت هلال ايله و هلالی كورمك قابل اوله ماز ايسه تكميل ثلاثين ايله مشروطدر .

رصد دوربينك اختراع واستعماله قدر بوضوحه اتباع بر امر ضروري ایدی . فقط برايكي عصردن بري تأسيس اولان رصدخانه لر و علی الخصوص زمانزده آلات رسديه او رتبه تكامل ايتمشدر . كه كوندوزك هر هانكي

ساعتتده اجرام سماویه دن برینک دور و سیرینی رؤیت و ترصد برامی عادی حکمنده در .

رؤیت هلاله اڭ زیاده شهر صیامه مباشرتده مجبورز و مادامکه حسابات نجومیه ایله تعیین ضره عندالشریعه معتبر اولمیدیقندن هلال شوالی دخی رؤیته مأمورز ؛ اق حالدہ رصد دورینیلہ هلالنی کوندوزڭ هر بر ساعتده کوره بیلیرز . و کوردیکمزی مطلقا حضور قاضیده تقریر و اثباته لزوم وار ایسه رصدخانه دن ایکی مأموره تودیع کیفیت ایدرز . بناءً علیه غایله رؤیت بو صورتله برطرف اولور . فقط اق رصد خانه نرده ! . . . .

